

ЭРДЭНЭ РЕСУРС НЬ БАЯН ХӨНДИЙ АЛТНЫ ТӨСЛИЙН УРЬДЧИЛСАН ТЭЗҮ-ИЙГ БҮРТГҮҮЛЖ, ЕВРОПЫН СЭРГЭЭН БОСГОЛТ ХӨГЖЛИЙН БАНКНЫ ОРОЛЦООТОЙ ХИЙСЭН САНХҮҮЖИЛТИЙГ ХААЛАА

Хэвлэлийн Мэдээ

Нова Скошиа, Халифакс хот
2019.12.05

Эрдэнэ Ресурс Девелопмент Корпораци (TSX:ERD | MSE:ERDN) (цаашид “**Эрдэнэ Ресурс**” эсвэл “**Компани**” гэх) нь Монгол улсын баруун өмнөд хэсэгт орших өөрийн 100% эзэмшлийн өндөр агуулга бүхий илээр олборлох боломжтой Хөндий Алтны Төслийн хараат бус техникийн тайланг SEDAR (“System for electronic document analysis and retrieval”)–т бүртгүүлснийг зарлахад таатай байна. Энэхүү техникийн тайланд Баян Хөндий ордын (“Bayan Khundii”) урьдчилсан техник, эдийн засгийн үндэслэл (“урьдчилсан ТЭЗҮ” буюу “PFS”) болон Баян Хөндийгөөс 16 км зайд зайд орших Алтан Нар ордын (“Altan Nar”) шинэчилсэн анхан шатны эдийн засгийн тооцоолол (“АШЭЗТ”) орсон болно. Тайланг Tetra Tech Inc (“Tetra Tech”) NI 43-101 эрдсийн нөөцийн тайлагналын стандартын (“NI 43-101”) дагуу боловсруулж, Хөндий Алтны Төслийн NI 43-101 Техникийн Тайлан (“Khundii Gold Project Ni 43-101 Technical Report”) нэртэйгээр 2019 оны 12 сарын 4-нд бүртгүүллээ. Тайлантай www.sedar.com дахь компанийн хуудас болон компанийн www.erdene.com вебсайтаас танилцах боломжтой.

Компани нь Европын Сэргээн Босголт, Хөгжлийн Банк (“the European Bank for Reconstruction and Development” буюу “ЕСБХБ”)–ны оролцоотой санхүүжилтийн багцыг танилцуулж байсан. Дээрх санхүүжилттэй холбоотойгоор ЕСБХБ–аас \$5 сая америк доллар (\$6.6 сая канад доллар), мөн \$1 сая канад долларын зуучлалгүй хаалттай санхүүжилтийн орлогыг хүлээн авсныг мэдээлэхэд таатай байна. Санхүүжилт нь Хөндий Алтны Төсөл (“Төсөл”)–ийг хараат бус эцсийн ТЭЗҮ (“FS”), анхан шатны инженерийн загварчлал (“FEED”), хайгуул болон хөрөнгө оруулалтын зардлууд, эргэлтийн хөрөнгөд зарцуулагдана.

Компанийн тодруулга:

Компанийн ерөнхийлөгч, гүйцэтгэх захирал Петер Акерли хэлэхдээ: “Энэ онд Эрдэнэ Ресурсийн баг, хамт олны хийж бүтээсэн ажлууд, амжилтыг үнэлж, талархмаар байна. Өнгөрсөн 18 сарын хугацаанд Компани нь алтны хоёр ордын нөөцийг тодорхойлж, Баян Хөндийн үйлдвэрлэлийн нөөцийг баталж, усны нөөцийг тодорхойлж, хоёр ордын анхан шатны эдийн засгийн тооцоолол, Баян Хөндийн урьдчилсан ТЭЗҮ–ийг боловсруулахаас гадна ашиглалтын тусгай зөвшөөрлийг авч, хайгуулын хөтөлбөрүүдийг үр дүнтэй хэрэгжүүлж ажиллалаа.”

“Санхүүжилт нь Баян Хөндий төслийн эцсийн ТЭЗҮ ба анхан шатны инженерийн загварчлалын ажлуудыг эхлүүлэхэд зарцуулагдахаас гадна хөгжүүлэлтийн өмнөх шатанд буй алтны төслүүдээс хамгийн өндөр агуулга бүхий төслийг 2021 оноос олборлолтын шатанд хүргэх, Хөндий Алтны Дүүргийн хайгуулын ажлуудыг санхүүжүүлнэ. Бид 2020 онд амжилтаа ахиулах болно.”

NI 43-101 Техникийн тайлангийн онцлох мэдээллүүд (Алтны үнийг \$1,300 ам.доллараар төсөөлсөн)

- Баян Хөндий, Алтан Нар ордуудыг ил аргаар, дэс дараалан хөгжүүлэх бөгөөд Баян Хөндийн уламжлалт боловсруулах үйлдвэрт Алтан Нар-ын хүдрийг боловсруулна.
- Баян Хөндийд 3.16 г/т дундаж алтны агуулга бүхий 520,700 унц баттай болон бодит геологийн нөөц (“Measured and Indicated Resources”) тодорхойлогдсон нь 2018 оны 9 сард тайлагнасан нөөцийн тайлангаас 20% өссөн үзүүлэлт юм.
- Баян Хөндийд 3.7 г/т дундаж алтны агуулга бүхий 422,000 унц батлагдсан ба магадалсан үйлдвэрлэлийн нөөц (“Proven and Probable Reserves”)-ийг тооцоолов.
- Алтан Нард 2 г/т дундаж алтны агуулга, 14.8 г/т мөнгөний агуулга бүхий 318,000 унц алтны бодитой нөөц (“Indicated Resources”)-ийг тооцоолсон.
- Баян Хөндийн урьдчилсан ТЭЗҮ-д тодорхойлсноор жилд олборлох алтны дундаж хэмжээ 61,000 унц бол Алтан нарын АШЭЗТ-д тодорхойлсноор жилд олборлох алтны дундаж хэмжээ 45,300 унц, мөнгөний дундаж хэмжээ 205,000 унц байна.
- Уурхайн ашиглалтын хугацааны хүдрийн дундаж агуулга нь Баян Хөндийн урьдчилсан ТЭЗҮ-д 3.73 г/т, Алтан Нарын АШЭЗТ-д 3.46 г/т байхаар тодорхойлогдсон.
- Уурхайн ашиглалтын хугацаа 11 жил, үүнд: уурхай байгуулах 1 жил, Баян Хөндий ордын ашиглалтын хугацаа 6 жил, Алтан Нар ордын ашиглалтын хугацаа 3 жил байхын зэрэгцээ уурхайн хаалтын хугацааг 1 жил байхаар төлөвлөсөн.
- Баян Хөндийн урьдчилсан ТЭЗҮ-д нэг унц алт үйлдвэрлэх нийт нэгжийн өртөг (“AISC”) нь \$746 ам.доллар, Алтан Нарын шинэчилсэн АШЭЗТ-д нэг унц алттай дүйцэх (“AuEg”) нийт нэгжийн өртөг нь \$931 ам.доллар байхаар тусгасан. (алттай дүйцэх нэгжийн тодорхойлолттой 2019 оны 10 сарын 21-ний хэвлэлийн мэдээнээс танилцана уу.)
- Баян Хөндийн анхны хөрөнгө оруулалт 40 сая ам.доллар болон Алтан Нарын нэмэлт хөрөнгө оруулалт 2 сая ам.доллар байхаар тооцоолсон.
- Баян Хөндийн урьдчилсан ТЭЗҮ-д тодорхойлогдсон хөрөнгө оруулалтын эргэн төлөгдөх хугацаа: 2 жил
- Баян Хөндийн урьдчилсан ТЭЗҮ-д танилцуулснаар ашиглалтын хугацаанд татвар болон элэгдлийн өмнөх ашиг нийтдээ \$211 сая ам.доллар байна.
- Баян Хөндийн урьдчилсан ТЭЗҮ-д татварын дараах өнөөгийн цэвэр үнэ цэн (5% хоргодуулалт бүхий (“NPV5%”) \$97 сая ам.доллар болон дотоод өгөөжийн түвшин (“IRR”) 42% хэмээн тооцоологдов.
- Алтан Нарын шинэчилсэн АШЭЗТ-д татварын дараах өнөөгийн цэвэр үнэ цэн (5% хоргодуулалт бүхий (“NPV5%”) болон дотоод өгөөжийн түвшин (“IRR”) нь тус бүр \$24 сая ам.доллар болон 92%-аар тайлагнасан бөгөөд Баян Хөндий төслийн дэд бүтцийг ашиглан, үйлдвэрлэлийн хоёрдугаар үе шат болгон хөгжүүлэхээр тусгасан.
- Монгол улсад оруулах өгөөж өндөр, уурхайн ашиглалтын хугацаанд Аж Ахуйн Нэгжийн Орлогын Албан Татвар (ААНОАТ), Ашигт Малтмалын Нөөц Ашигласны Төлбөр (АМНАТ) ба бусад татвар, хураамжид 82 сая ам.доллар төлж, Баянхонгор аймагт 300 гаруй шинэ ажлын байр бий болгоно.

Урьдчилсан ТЭЗҮ-ийн 2019 оны 10 сарын 21-нд гарсан хэвлэлийн мэдээтэй [ЭНД](#) дарж, техникийн тайлантай [ЭНД](#) дарж танилцана уу.

Анхан шатны эдийн засгийн тооцоолол нь урьдчилсан таамаглал бөгөөд зарим тооцоолол нь боломжит нөөц дээр тулгуурласан. Боломжит нөөц нь урьдчилсан болон эцсийн техник, эдийн засгийн тооцоололд нөөц хэмээн багтаахад геологи, эдийн засгийн хувьд эрсдэл ихтэй. Эдийн засгийн үр ашиг багатай геологийн нөөцийг үйлдвэрийн нөөц, эдийн засгийн тооцоололд багтаахгүй.

Санхүүжилтийн тухай

2019 оны 10 сарын 15-нд Эрдэнэ Ресурс нь Европын Сэргээн Босголт, Хөгжлийн Банкны оролцоотой \$8 сая канад долларын санхүүжилтийн багцыг танилцуулсан. Энэхүү багцад ЕСБХБ-тай \$5 сая америк доллар (\$6.6 сая канад доллар)-ын хөрвөх нөхцөлтэй зээлийн гэрээ (“Зээлийн гэрээ”), түүнтэй зэрэгцэн зуучлалгүй хаалттай санхүүжилт багтаж байна. Энэхүү санхүүжилтийн хүрээнд Эрдэнэ Ресурс \$6.6 сая канад долларыг татан төвлөрүүлээд байна.

2019 оны 11 сарын 25-нд Эрдэнэ Ресурс нь ЕСБХБ-аас \$5 сая америк долларын хөрвөх нөхцөлтэй зээлийн санхүүжилтийн эцсийн шилжүүлгийг хүлээн авсан. ЕСБХБ нь Монгол улс дахь хамгийн том хөрөнгө оруулагчдын нэг бөгөөд Монгол улсын эдийн засгийн бүхий л салбарт 1.7 тэрбум еврогийн хөрөнгө оруулалт хийсэн. ЕСБХБ нь Монгол улсын хувийн хэвшил болон дэд бүтцийн салбарын олон талт, тогтвортой хөгжлийг дэмжихэд чиглэн ажилладаг.

Хаалттай санхүүжилтийн хүрээнд Эрдэнэ Ресурс нь 4,900,000 ширхэг үнэт цаасны нэгж (“Нэгж”) бүрийг \$0.20 канад доллараар үнэлэн, нийт \$980,000 канад долларыг татан төвлөрүүлсэн. Үнэт цаасны нэгж бүр нь Компанийн нэг Энгийн хувьцаа болон энгийн хувьцаа худалдан авах эрх бүхий хагас (1/2) Варрант (“Warrant”)-аас бүрдэнэ. Варрант бүр нь санхүүжилт хаагдсанаас хойш 2 жилийн дотор нэг энгийн хувьцааг \$0.30 канад доллараар худалдан авах эрхийг олгоно. Эрдэнэ Ресурс нь хаалттай санхүүжилтийн эхний хаалтын хүрээнд \$1,200 канад долларын үйлчилгээний хөлс болон 6,000 зуучлалын варрантыг олгосон. Энэхүү варрант нь хаалттай санхүүжилтийн хүрээнд төлсөн үйлчилгээний \$18,200 канад доллар, 91,000 зуучлалын варранттай адил нөхцөлтэйгөөр хэрэгжүүлэх боломжтой. Зуучлалын варрант нь үнэт цаасны нэгж дэх варранттай адил нөхцөлтэйгөөр хэрэгжүүлэх боломжтой. Эрдэнэ Ресурсийн удирдлага, ТУЗ нь үнэт цаасны нэгжийн 7%-ийг захиалан, хөрөнгө оруулалт хийсэн.

Эрдэнэ Ресурсийн тухай

Эрдэнэ Ресурсийн ордууд нь дэлхийн томоохон алт, алт-зэсийн ордуудыг агуулагч Төв Азийн Орогены бүсэд багтдаг Эдрэнгийн террейнд байрладаг. Эрдэнэ Ресурс нь Монгол улсын баруун өмнөд хэсэгт 10 гаруй жил хайгуул судалгааг хийн, өдгөө Хөндий алтны дүүргийг нээн илрүүлээд байна. Хөндий алтны дүүрэг нь өндөр агуулга бүхий алт, полиметаллын хэд хэдэн хэтийн төлөвт талбайг хамардгаас хоорондоо 16 км зайд орших Баян Хөндий, Алтан Нар ордуудыг ашиглалтын шатанд хүртэл хөгжүүлэхээр зорьж байна. Эдгээр ордуудыг хамтад нь Хөндий Алтны Төсөл (“Төсөл”) хэмээн нэрлэдэг.

Эрдэнэ Ресурс Девелопмент Корпораци нь Монгол улсад суурь болон үнэт металлын хайгуул, төсөл хөгжүүлэлтийн үйл ажиллагаа эрхэлдэг Канад улсад бүртгэлтэй хайгуулын компани юм. Компани нь Монгол улсын баруун урд бүсэд хайгуул хийх эрх бүхий 4 хайгуулын, 2 ашиглалтын тусгай зөвшөөрлийг эзэмшдэг бөгөөд эдгээр хайгуулын бүсэд хийсэн судалгааны үр дүнд Хөндий Алтны Дүүргийг нээн илрүүлсэн. Эрдэнэ Ресурс Девелопмент Корпораци нь Торонто болон Монголын хөрөнгийн биржүүд дээр бүртгэлтэй. Компанийн тухай дэлгэрэнгүй мэдээллийг Компанийн вебсайт www.erdene.com-оос авч танилцах боломжтой. Компанийн талаарх чухал мэдээллүүд нь зөвхөн Компанийн вебсайтаар дамжин хүрдэг тул хөрөнгө оруулагчид вебсайтаар дамжуулан бодит мэдээллийг авахыг зөвлөж байна.

Урьдчилсан таамаглал

Зарим мэдээллүүд нь Үнэт цаасны хуулийн хүрээнд урьдчилсан таамаглалуудыг агуулсан болохыг үүгээр мэдэгдэж байна. Урьдчилсан таамаглал нь урьд болж байсан болон ирээдүйд болох бодит баримт биш ба

зөвхөн ирээдүйн төлөвлөгөө, стратеги, төсөл, нөхцөл байдалд тулгуурласан үзэл баримтлал, магадлал болон таамаглал болно. Энэхүү таамаглалууд нь тодорхой үндэслэлд тулгуурласан боловч баталгаа биш юм. Компанийн үйл ажиллагаа нь олон хүчин зүйлээс шалтгаалах бөгөөд зарим хүчин зүйлс нь Компанийн хяналтаас давсан байх магадлалтай ирээдүйд учирч болох хүчин зүйлс юм. Материаллаг өөрчлөлт үзүүлэх боломжтой хүчин зүйлсэд эрдсийн зах зээлийн үнэ, хайгуулын үр дүнгүүд, бизнесийн болон зах зээлийн орчин, эдийн засгийн байдал болон санхүүжилт, хөрөнгө босголт зэрэг орно. Дээр дурдсан мэдээллүүд нь ирээдүйд өөрчлөгдөн хувирах магадлалтай. Компани нь Үнэт цаасны хуульд өөрөөр заагаагүй тохиолдолд Урьдчилсан таамаглалыг өөрчлөн, шинэчлэх үүрэг хүлээхгүй.

Орчуулга: Энэхүү хэвлэлийн мэдээ нь Англи хэл дээр бэлтгэгдсэн хэвлэлийн мэдээний орчуулга болно. Англи, Монгол хувилбаруудын хооронд зөрүү эсвэл зөрчилдөх зүйл гарвал Англи хэл дээрх хувийг мөрдөнө.

ЭНЭХҮҮ МЭДЭЭЛЛИЙГ ОЛОН НИЙТЭД ТАНИЛЦУУЛАХАД ЯМАРВАА НЭГЭН ЗАСАГ ЗАХИРГААНЫ БАЙГУУЛЛАГА ЗӨВШӨӨРСӨН, ҮЛ ЗӨВШӨӨРСӨН МЭДЭГДЭЛ ХИЙГЭЭГҮЙ.

Холбоо барих:

Петер К. Акерли, Ерөнхийлөгч болон Гүйцэтгэх захирал

Роберт Женкинс, Санхүү хариуцсан захирал

Утас: (902) 423-6419

Twitter: <https://twitter.com/ErdeneRes>

Facebook: <https://www.facebook.com/ErdeneResource>

LinkedIn: [https://www.linkedin.com/company/erdene-resource-development-corp-/](https://www.linkedin.com/company/erdene-resource-development-corp/)

YouTube: <https://www.youtube.com/channel/UCILs5s9j3SLmya9vo2-KXoA>